



HAVAKTIKHAQHIUQTUT HAVAUHIIT

HIVUNIKHANGIT

1. Tamaita tikkuaqtauhimajut inungnut ikajuutikhainut havaakhat atanniqtuqtaujut *Kavamatkunni Havaktut Maligaq* (PSA) unalu pijut maliktakhangit tuniqhainingalu uumannga Titiraqhimaninga 23 uumannga (*Nunavut Angirutinga*).

Una atuqujaujuq pipkaijuq ataniujunik havaktuniglu taaktinik maliruakhanik ukua tikuaqtauhimajut pijutiqaqtunik ihuaqtumik Kavamatkunni Havaktut Maligaq PSA-mi iniqtirumajainiglu Kavamat Nunavumi (GN). Havaqatigiivlugit atauttikut Havaktuliqijitkut Maliruakhait Atuqujaujuq 502-mi 518-mut.

INUIT INUUQATIGIINGNIKKUT AKHUURUTIGIJANGIT (ISV) HIVUNIKHALIURUTAIT

2. Una hivulluuruti hivulliuqtaujuq hapkunangga ISV hivulluurutin:
 - ***Tunnganarniq:*** Pipkailiqluni nakuuyumik inuuhig angmaumaluni, tunngahuktittuni hivituyumik: Una atuqujaujuq atuquijukhaq tautuminaqtunik havaktikharnik hanaqidjutikharnik.
 - ***Aajiiqatigiinni:*** ihumaliurniq unipkaarutigiiplutik angiqatigiighutiklu: Una hivulluuruti pipkaijuq Pukuktiujukhat Katimajiit tikkuaqtaujaami ihumaliuriami havaqatigiingnikkut; unalu
 - ***Piliriqatigiinni/Ikajuqtigiinni:*** havaqatigiiktut nakuuyumut pidjutigiami: Una hivulluuruti pipkaijuq GN-kut ihuaqhainikkut havaktikhaqhiurnikkut havagutunik qilamiglu havaktikhanigianginni havaakhanik, ukunanilu ikajurutikhanik GN-kut havagumanirnik amigairjuummiqtirnikkut pimmarikharnikkullu Inuinnarnik havaktikhanik.

PITQUYAUHIMAYUT

3. Una hivulluuruti aturutiaqtuq tamainnun GN-kunni havagviinnun kavamatkunnilu timiqutainun havaktikhaqhiuqtun malikhugu una Kavamatkunni Havaktut Maligaq PSA-mun.

UNNIQTUTIT



4. **Ihuiguhungnikkut Pilaarutit** – naunaijautaa

- a) Taimaa Nunavunmiutaq Inuk havaktitaugumi ataani atan'ngujaungittuni havaakhamun uuktuqtunun, ihuiguutigijaujuq pilaarutingit piinnarialaqihimajuq Nunavunmi Inuinnainnut unalu GN-kkut havaguiqtitaujut havaktingit.
 - b) Una Nunavunmiutaq Inuk ilaungittuq uuktuqtumi atan'ngujaungittuni havaakhamun. Atan'ngujaujuni qulaanilu havaakhanun, una Nunavunmiutaq Inuk **uuktuffaanginnarialik** maliktiaqhimaipata uumunga Hivulliullaqtukhat Havaaktikhaqhiuqtut Maliguagakhat.
 - c) **Nunavunmiutaungittuq Inuk GN-kuni havaktuq** ihuanngittuq uuktuqtumik akitaqutautini atanilluamut inikhamik.
- Una atuqujaujuq turaaqtaunngittuq inikhanut ilauninginni Nunavunmi Ilihijinit Katimajit angiqatigiigutaujunik ikajuqtigiingnik, ilaulimannginmata uuktuffaarutininik ilangani *Kavamani Havaktut Maligarjuangini* Maliguakhallu.
 - Ihuiguhungnikkut pilaarutit havaguiqtitaujunun havaktit ilaujut uvani Nunavunmi Havaktiit Ikajuqtingit (NEU) ataniudjutiaqtut iluaniittut hapkua Kavamatkuni Havaktiit Angirutigihimajangit.
 - Uuktuqtuq tukhiutigihimajaa uuktuffaaqujaugumi takujauvikhami imaaluuniit havaanga Ilaulaarningit Titiraqhimajut amigaitqijainnik atauhimit pidjutigiplugu, taimailliuqtukhat atauhirmi uuktuutikhami.
 - Ilitturipkaktaugumi upautiluni hivajautikkulluuniit (uqarluni), taamna ihuarijaunngittuq pijaujukhaq hitamanik (4) havangnaqtumi ublunik naunaitkutikharnik tuniyauvakhimayuq.
 - Naunaiqtaugumi qaritauyakkut, ihuiguutigiyauyuq piyauyukhaq 8-nik havangnaqtumi ublunik ublungani naunaitkutanganani tunijaujuq.
 - Naunaiqtauguvit titiraqarvikkut, ihuiguuut pijaujukhaq iluani qulit hitamallu (14) havangnaqtumi ublunik tuhaqtitauvianit.

Takulugu una **HRM702: Havaktit Ihuiguuutait** naunaiqhittiarumagumik.

5. **Aulahimmaqtuq Kivgaqtuiniq** tukiqaqtuq kinguvaqtittihimaittumik havaktittijut ukunanngat GN-kkut. Havallaktunut havakti tukiqaqtuq havaglugit GN-kut, ilaujut havaakhat aallatqiiktut havagviujut, aviktuqtauhimaittut amigaitqijaujunik 20-ni ubluni. Una naunaijautaa havakaffuktuq havakti nutqaqhimakpat 20-nik havaktut ubluni, nutqaqhimannngittut kivgaqturnikkut.



6. **Ihuinaarutiqaqtut Naunaipkutainik Naunaijarninga** tukiqaqtuq qiniqhianinganic iniqtaujuq Paliihimanit (RCMP) Piliihimaluniit ikajuutinik Kanatami tikkuqaqhijaangani inuk ihuinaaqhimangmangaat ihuinaarutimik.
7. **Ihuinaaqpakhimaittumiglu Akinialaittunun Naunaitkutimik** tukiqaqtuq ihivriurnirnik piqarnirnik nuliarnikkut ihuinaarutinik pidjutilgit titiraqhimajunik nutqangallangnirnik/titiraqtaulaitkutinik. Una naunaijainiq pijaujuq naunairiami aaniqtailininga tahapkuat inuit munarijaujut GN-kunnit qajangnautiqaqtut aaniqtaugiamingni pijumagumik aallanut, una uuktuutigillaglugu, nutaqqat, inuit timimitigut pivallianirmulluuniit timimitigut ajuqhautilgit, inirniirniit inuuhirumigluuniit.
8. **Aadjikutavjainik** aallatqiingujut ihariagijaujut ilihainiq, havakhimajait ilihimajamingnik ajuitaminiglu ihariagijaujuq havaaq havaktakhangit havaanganit.
9. **Ilaulaarningit Titiraqhimajut** hunaqarninganic uuktuqtup uuktuqhimajut havaktukhanik akitaqutautinik nanijaujullu ajunngittut inuqaliriangani hivunikhami inuqangininginik aadjikutaani havaap qanurininganic. Takulugu una **HRM516: Ilaulaarningit Titiraqhimajut**.
10. **Inuup Apiqhuqtaujuq** apiqhuqtauhimajut katimaqatigiblugit uuktuqtut.
11. **Ajungittut** tukiqaqtuq uuktuqtut pivagianganic naunaittiaqhimajunik inikhanic aturiaqaqtunik. Hapkuat piluqhimajuq uumannga Pukuktiujukhat Katimajiit naunaijainigani.
12. **Pukuktiujukhat Katimajiit** tukiqaqtuq havaktikhaqhiurnikkut katimajiit ilaujukhat havaktikhaqhiurnikkut taaktit atan'ngujaujullu havaakhamik havaktikhaqhiurnikkut. Ihuaqqat, ilaujuq ajuittiaqhimajunik/hanajukharnik unalu/unaluuniit nunallaani/pitquhiliqinikkut ajuittiariikhimajunik ilaugiaqaqtun talvunga Pukuktiujukhat Katimajiit, taimaa tamaat ilaujut uqaudjiukharnigluuniit katitirutikharnik niruaqhimaittumik kingullirmi havaktikharnik ihumaliurutikharnik. Tamaita ihuaqtumit akhuurutit havaktauniaqtut ilaulugit Nunavunmi Inuk uvani Pukuktiujukhat Katimajiit.
13. **Havaktikhaqhiuqtit Havaktikhaqhiuqti** inuk tikkuqaqtauhimajuq Havagviat Havaktuliqiyikkut ihuaqhailutik havaktikhaqhiurnikkut havaktaunikhanic.
14. **Ihuaqtut Uuktuqtut** ilaliutauhimajut kitut tautuktittijut apiqhuqtautilugit taapkua uuktuqtaqtut inmi ilihimajatik, ajuitatik uvvalu pijaaqtatik nakuujumik havaktamingnic havaamingnun kitut uuktuqtatik.



ᑭᑎᑎᑎᑎᑎ ᑭᑎᑎᑎᑎᑎ ᑎᑎᑎᑎᑎᑎ
 Building Nunavut Together
 Nunavut Iluqatigiingniq
 Bâtir le Nunavut ensemble

Havaktuliqijit Maliruakhait
 Maliktaghat 501: Havaktikhaqhiuqtut
 Havauhiit

15. **Ungahiktukkut Apiqhuidjutit** apiqhuqtaujut hivajautikkut uvvaluuniin tiiviikkut katimapkaiblulik uuktuqtumun.
16. **Ihivriughiniq** havaktauninga atuqtaujuq naunaijariami ajuitaminik ihariagijaujuq havaamut, ukunanngittut aturninga qaritaujanik qaritaujakkut pulaarvingit, upalungaijarniq titiqqanik/hiamilaaqutut titiqqanik, niplautigut uqaqtakhangit.

IHARIAGIYANGIT

17. Takulugit GN-kkuni Havaktukhanik Maliruakhaq unalu Havaktuliqijit Maliruakhait (HRM) Atuqujaujuq **502-mi 518-mut** hivumut uqatiahimajunik Havaktikhaqhiurnikkut Havauhirmi.

ATANIQTUIDJUTIT NAUNAIJAUTILLU

18. *Kavamatkunni Havaktinut Maligaq*
19. *Ihivriungniq Havaktiitavigun Uuktuffaaqpaktunullu Maliguarakhat*
20. Nunavunmi Nunataarutaanut Angirutaa, Nakataq 23
21. *Nunavunmi Inungnut Pilaarutait Maligaq*
22. *Kanatami Maligat Inuup Pilaarutainut Niamgijaarutillu*
23. *Kanatami Inungnun Pilaarutainut Maligaq*
24. Kavamatkuni Havaktiit Angirutigihimajanginnik NEU-kkuni
25. GN-kkuni Havaktunik Maliruakhaq
26. Hivulliulluaqtukhat Havaaktikhaqhiuqtut Atugakhaq
27. HRM Pitqujauhimagut 502-518

UQARVIKHAT

28. Naunaiqhittiarumaguviit imaaluuniit aallanik naunaitkutikhanik, uqarvigilugu:
 Aulapkaiji, Havaktikhaqhiurnikkut
 Havaktuliqiyikkut
 Iqaluit, Nunavut
 975-6223
 unaluuniit

